



Broj: 06-1-07-1-4783/22
Sarajevo, 08.12.2022. godine
(F.S.)

Na osnovu člana 2.9 stav (1) tačka 9, a u vezi sa članom 10.15 Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 52/22 i 67/22), te člana 21. stav (3) tačka j) i člana 35. Uputstva o postupku provedbe posrednih izbora za tijela vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, br. 75/22) Centralna izborna komisija Bosne i Hercegovine je na 93. sjednici, održanoj 08.12.2022. godine, donijela

ODLUKU

o utvrđivanju rezultata posrednih izbora i dodjeli mandata delegatima u Domu naroda Parlamenta Federacije Bosne i Hercegovine iz Kantona 10

(1) Centralna izborna komisija Bosne i Hercegovine utvrđuje rezultate posrednih izbora za Dom naroda Parlamenta Federacije Bosne i Hercegovine iz Kantona 10, kako slijedi:

a) Kandidatske liste iz reda bošnjačkog naroda:

1. Kandidatska lista Đugum Avdija dobila je 2 glasa i nije osvojila mandat,
2. Kandidatska lista Stranka demokratske akcije SDA dobila je 2 glasa i osvojila je 1 mandat.

b) Kandidatske liste iz reda hrvatskog naroda:

1. Kandidacijska lista HNP Hrvatski nacionalni pomak dobila je 5 glasova i osvojila je 1 mandat,
2. Kandidacijska lista Hrvatska demokratska zajednica 1990 HDZ 1990 dobila je 4 glasa i osvojila je 1 mandat,
3. Kandidacijska lista Konta Dragan dobila je 4 glasa i osvojila je 1 mandat,
4. Kandidacijska lista Kovčalija Tonka dobila je 3 glasa i nije osvojila mandat.

c) Kandidatske liste iz reda srpskog naroda:

1. Kandidatska lista Damjanović Dragana dobila je 1 glas i osvojila je 1 mandat,
2. Kandidatska lista Radun Duško dobila je 1 glas i osvojila je 1 mandat,
3. Kandidatska lista Savez nezavisnih socijaldemokrata SNSD dobila je 2 glasa i osvojila je 2 mandata.

(2) Centralna izborna komisija Bosne i Hercegovine dodjeljuje mandate u Domu naroda Parlamenta Federacije Bosne i Hercegovine iz Kantona 10 delegatima:

1. **HIKMET HODŽIĆ** - Bošnjak
2. **IVAN IVIĆ** - Hrvat
3. **MLADEN ŠARIĆ** - Hrvat
4. **DRAGAN KONTA** - Hrvat
5. **DRAGANA DAMJANOVIĆ** - Srпкиnja
6. **DUŠKO RADUN** - Srbin
7. **GORAN BROĆETA** - Srbin
8. **NIKOLA MATERIĆ** - Srbin

O b r a z l o ž e n j e

Skupština Kantona 10 dostavila je Centralnoj izbornoj komisiji Bosne i Hercegovine, dana 02.12.2022. godine, akt broj: 01-02-45-89.3/22 od 02.12.2022. godine, te u prilogu akta cjelokupan izborni materijal u vezi sa provedenim posrednim izborima za Dom naroda Parlamenta Federacije Bosne i Hercegovine iz Kantona 10, koji čine: Obavijest, Odluku o imenovanju privremenog Povjerenstva za izbor i imenovanja, Zapisnik i informaciju o izvršenom žrijebanju kandidatskih listi, Zapisnik o rezultatima glasanja, Popis zastupnika koji su pristupili glasanju i glasački listići.

Članom 10.10. Izbornog zakona BiH propisano je da kantonalna zakonodavna tijela biraju 80 delegata u Dom naroda Parlamenta Federacije BiH, 23 iz reda bošnjačkog, 23 iz reda srpskog, 23 iz reda hrvatskog naroda i 11 iz reda Ostalih.

Za Dom naroda Parlamenta Federacije BiH iz Kantona 10, u skladu s članom 21. stav (3) tačka j) Uputstva o postupku provedbe posrednih izbora za tijela vlasti u Bosni i Hercegovini obuhvaćenih Izbornim zakonom Bosne i Hercegovine, bira se ukupno devet delegata, uključujući jednog iz reda bošnjačkog, tri iz reda hrvatskog, četiri iz reda srpskog naroda i jednog iz reda ostalih.

Odredbama člana 10.14 Izbornog zakona BiH propisano je da svaki zastupnik u kantonalnoj skupštini daje jedan glas za listu na kojoj je njegov odgovarajući klub.

U skladu sa članom 10.15 Izbornog zakona BiH, nakon provedenog tajnog glasanja, izborni materijal i rezultati glasanja dostavljaju se Centralnoj izbornoj komisiji BiH za konačnu raspodjelu mjesta. Mandati se raspodjeljuju jedan po jedan po listama ili kandidatu sa najvišim količnicima koji su rezultirali iz formule za proporcionalnu raspodjelu utvrđenu u članu 9.5 Izbornog zakona BiH. Kada lista dobije mandat, mandat se raspoređuje s vrha liste.

Uvidom u dostavljeni materijal o provedenim posrednim izborima za Dom naroda Parlamenta FBiH, utvrđeni su sljedeći rezultati:

a) Kandidatske liste iz reda bošnjačkog naroda:

1. Kandidatska lista Đugum Avdija dobila je 2 glasa,
2. Kandidatska lista Stranka demokratske akcije SDA dobila je 2 glasa.

b) Kandidatske liste iz reda hrvatskog naroda:

1. Kandidacijska lista HNP Hrvatski nacionalni pomak dobila je 5 glasova,
2. Kandidacijska lista Hrvatska demokratska zajednica 1990 HDZ 1990 dobila je 4 glasa,
3. Kandidacijska lista Konta Dragan dobila je 4 glasa,
4. Kandidacijska lista Kovčalija Tonka dobila je 3 glasa.

c) Kandidatske liste iz reda srpskog naroda:

1. Kandidatska lista Damjanović Dragana dobila je 1 glas,
2. Kandidatska lista Radun Duško dobila je 1 glas,
3. Kandidatska lista Savez nezavisnih socijaldemokrata SNSD dobila je 2 glasa.

Za dvije kandidatske liste iz reda bošnjačkog naroda za dodjelu mandata iz reda bošnjačkog naroda: kandidatska lista Đugum Avdija i kandidatska lista Stranka demokratske akcije SDA, utvrđeno je da imaju identičan količnik (2,00).

U skladu s članom 10.15, a u vezi s članom 9.5 i 9.8 stav (1) Izbornog zakona BiH i poglavljem II. Uputstva o dodjeli i prestanku mandata („Službeni glasnik BiH“ br. 27/22, 77/22 i 78/22), ukoliko kandidatske liste imaju identične količnike mandat se dodjeljuje putem žrijeba.

Centralna izborna komisija Bosne i Hercegovine je dana 08.12.2022. godine provela javno žrijebanje za dodjelu jednog mandata iz reda Bošnjačkog naroda.

Nakon provedenog javnog žrijebanja, kandidatska lista Stranka demokratske akcije SDA dobila je mandat iz reda bošnjačkog naroda iz Kantona 10 kantona u Dom naroda Parlamenta Federacije BiH.

Imajući u vidu da su ispunjeni svi zakonski uslovi za utvrđivanje rezultata izbora za delegate u Dom naroda Parlamenta FBiH iz Kantona 10 kantona, Centralna izborna komisija Bosne i Hercegovine je, u skladu s članom 2.9 stav (1) tačka 9, a u vezi s članom 10.15 Izbornog zakona Bosne i Hercegovine, odlučila kao u dispozitivu ove odluke.

Pravna pouka: Protiv ove odluke, u skladu s članom 6.9 stav (1) i stav (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva (2) dana od dana prijema ove odluke, koju Centralna izborna komisija BiH dostavlja putem faks aparata.

Žalba se podnosi preko Centralne izborne komisije BiH i dostavlja se putem faks aparata na broj 033/251-329 ili neposredno u sjedište Centralne izborne komisije BiH, Ulica Danijela Ozme broj 7, Sarajevo.



Dostaviti:

1. Skupština Kantona 10,
2. a/a.